

PISMA ČITATELJA

U ovim teškim vremenima kad niko nikom ne vjeruje želim iz vlastitog iskustva posvjedočiti da u našem društvu još uvijek ima sasvim suprotnih i lijepih primjera.

Naime, 14. jula 2010. u noći oko 3 sata bio sam prinuđen kao težak srčani bolesnik zatražiti hitnu medicinsku pomoć u Domu zdravlja Vareš. Poslije ukazane (i to brze) pomoći, odmah su me uputili kolima hitne pomoći u Kantonalnu bolnicu Zenica. Zahvaljujući prisebnosti vozača i brzom vožnji te brizi medicinskog osoblja iz pratnje na vrijeme sam stigao u bolnicu u Zenici. Tu su me primili po svim pravilima medicinske etike i službe. Pružili su mi sve ono čime bolnica raspolaže. Punih pet dana proveo sam u koronarnoj jedinici i sedam dana na odjelu kardiologije. Imponovala mi je čistoća, red, disciplina i stručna uigranost osoblja. Posebno sam bio oduševljen pažljivim i ljudskim odnosom prema meni.

Ovakav odnos medicinskog osoblja Kantonalne bolnice Zenica vraća nam vjeru i, ponekad poljuljano, povjerenje u zdravstvene radnike ove naše domovine.

Dušan Stojić, Vareš